

Հայտարարություն

Ջրային կոմիտեն (այսուհետ՝ Կոմիտե) հայտարարում է Կոմիտեում քաղաքացիական ծառայության հետևյալ ժամանակավոր թափուր պաշտոնը զբաղեցնելու մասին

Հայաստանի Հանրապետության էներգետիկ ենթակառուցվածքների և բնական պաշարների նախարարության ջրային կոմիտեի ոռոգման և կոլեկտորադրենաժային համակարգերի վարչության պետ (ծածկագիր՝ 18/1-2.1-1)։

Հիմնական գործառույթները.

1. ապահովում է հակահեղեղային աշխատանքների պլանավորումը.
2. ապահովում է հիդրոտեխնիկական կառուցվածքների, այդ թվում՝ <<Որոտան-Արփա-Սևան>> թունելների, կոլեկտորադրենաժային ցանցերի, մեխորատիվ նշանակության ջրամբարների, ջրանցքների, ջրատարների և դրանց գլխամասային կառուցվածքների, պոմպակայանների, համապատասխան կազմակերպությունների կողմից կատարվող շահագործման, վերանորոգման աշխատանքները.
3. ապահովում է Վարչության իրավասության շրջանակներում հակահեղեղային միջոցառումների տարեկան ծրագրերի մշակման աշխատանքների իրականացումը.
4. ապահովում է մասնակցություն ոռոգման նպատակով խորքային հորերի և ինքնաշատրվանվող հորատանցքերի անձնագրավորման ծրագրի մշակման և իրականացման աշխատանքներին.
5. ապահովում է մասնակցություն ոռոգման և կոլեկտորադրենաժային համակարգերի, ջրատար օբյեկտներում համապատասխան կազմակերպությունների կողմից իրականացվող շահագործման, վերանորոգման աշխատանքներին.
6. ապահովում է մասնակցություն ոռոգման և կոլեկտորադրենաժային համակարգերի ծրագրերով նախատեսված մրցույթների կազմակերպման աշխատանքներին.
7. ապահովում է աջակցության ցուցաբերում ջրօգտագործող ընկերություններին, դրանց հանձնված գույքի արդյունավետ, բնականոն օգտագործման (շահագործման) աշխատանքների կազմակերպման գործում.
8. կազմակերպում է Արփա-Սևան թունելի պահպանման և շահագործման աշխատանքները.
9. մասնակցում է ջրային տնտեսության ոլորտի զարգացման հեռանկարային համալիր և սոցիալ տնտեսական զարգացման ծրագրերի մշակմանը, նպաստում դրանց իրականացմանը, ամփոփում և վերլուծում իր խնդիրների հետ առնչվող հարցերի կատարման ընթացքը.
10. ապահովում է ոռոգման և կոլեկտորադրենաժային համակարգերի պլանավորման (համակարգչի միջոցով ծրագրերի կազմմանը) և ներկայացված հաշվետվությունների հիման վրա կատարված աշխատանքների հսկողության իրականացումը.
11. մասնակցում և աջակցում է ոռոգման ջրի հուսալի և անխափան մատակարարումն ապահովելու նկատմամբ հսկողություն սահմանելու աշխատանքներին.
12. իր իրավասության շրջանակներում մասնակցում է համակարգի կազմակերպությունների աշխատանքային գործունեության քննարկումներին, աջակցում նրանց աշխատանքների կազմակերպման գործընթացին և տալիս մեթոդական ցուցումներ ու հանձնարարություններ.
13. համակարգում է ոռոգման համակարգերի տեխնիկական տնտեսական միճակագրության ամփոփ տեղեկատվության հավաքագրման աշխատանքները.
14. համակարգում է համակարգի կազմակերպությունների կողմից ներկայացված կատարողական ակտերի, հաշվետվությունների ուսումնասիրման և ամփոփման աշխատանքները՝ ներկայացնելով համապատասխան առաջարկություններ.

Նշված ժամանակավոր թափուր պաշտոնը զբաղեցնելու համար պահանջվում է՝ գյուղատնտեսական ջրամատակարարման, ոռոգման, ջրարբիացման և ջրահեռացման ճարտարագիտական համակարգեր կամ հողաբարելավում, հողային և ջրային պաշարների օգտագործում և պահպանում կամ ջրատեխնիկական (հիդրոտեխնիկական) շինարարություն մասնագիտությամբ բարձրագույն կրթություն, քաղաքացիական ծառայության առաջատար պաշտոնների առնվազն երկրորդ ենթախմբում առնվազն երկու տարվա ստաժ, կամ առնվազն երեք տարվա քաղաքացիական ծառայության ստաժ և քաղաքացիական ծառայության 2-րդ դասի առաջատար ծառայողի դասային աստիճան, կամ վերջին հինգ տարվա ընթացքում քաղաքական կամ հայեցողական, բացառությամբ Հայաստանի Հանրապետության համայնքների ղեկավարների տեղակալների, խորհրդականների, մամուլի քարտուղարների, օգնականների և ռեֆերենտների

պաշտոնների, կամ քաղաքացիական պաշտոններում առնվազն երկու տարվա աշխատանքային ստաժ կամ համայնքային ծառայության գլխավոր պաշտոնի առնվազն երեք տարվա աշխատանքային ստաժ, կամ գիտական աստիճան և առնվազն երեք տարվա մասնագիտական աշխատանքային ստաժ, կամ վերջին տասը տարվա ընթացքում առնվազն երեք տարվա մասնագիտական աշխատանքային ստաժ, որից առնվազն մեկ տարին ստորաբաժանման ղեկավարի պաշտոնում, կամ մինչև 2020 թվականի հունվարի 1-ը պետական կառավարման ոլորտի առնվազն երեք տարվա աշխատանքային ստաժ, որից առնվազն մեկ տարին ստորաբաժանման ղեկավարի պաշտոնում:

Հայաստանի Հանրապետության ջրային օրենսգրքի, <<Քաղաքացիական ծառայության մասին>>, <<Պետական կառավարչական հիմնարկների մասին>>, <<Ջրօգտագործողների ընկերությունների և ջրօգտագործողների ընկերությունների միությունների մասին>>, <<Նորմատիվ իրավական ակտերի մասին>> Հայաստանի Հանրապետության օրենքների, Հայաստանի Հանրապետության կառավարության 2003 թվականի հուլիսի 31-ի <<Հիդրոտեխնիկական կառուցվածքների անվտանգության հայտարարագրի բովանդակությունը, դրա մշակման և փորձաքննության իրականացման կարգը սահմանելու մասին>> N 957-Ն, 2003 թվականի մայիսի 8-ի <<Հիդրոտեխնիկական կառուցվածքների անվտանգության հսկողության և զննման կարգը սահմանելու մասին>> N 686-Ն, 2003 թվականի ապրիլի 3-ի <<Հակահրդեհային նպատակներով ջրօգտագործման կարգը սահմանելու մասին>> N 390-Ն, 2003 թվականի հունիսի 26-ի <<Բնակարաններում ջրամատակարարման ներքին ցանցերի վթարների և անսարքությունների վերացման կարգը հաստատելու մասին>> N 886-Ն, 2003 թվականի հունվարի 30-ի <<Պետական սեփականություն հանդիսացող ջրային համակարգերի օգտագործման իրավունքի վարձակալությամբ փոխանցման կարգը հաստատելու մասին>> N 243-Ն, 2003 թվականի մարտի 13-ի <<Հիդրոտեխնիկական կառուցվածքների դասակարգումը հաստատելու մասին>> N 235-Ն, 2004 թվականի փետրվարի 12-ի <<Հայաստանի Հանրապետության տարածքում գործող ջրամբարների օգտագործման օրինակելի կանոնները հաստատելու մասին>> N 255-Ն, 2002 թվականի դեկտեմբերի 26-ի <<Ոռոգման ջրի մատակարարման և օգտագործման կանոնները հաստատելու, ոռոգման ջրի մատակարարման պայմանագրի օրինակելի ձևը սահմանելու և ՀՀ կառավարության 2000 թվականի հուլիսի 27-ի N 418 որոշումն ուժը կորցրած ճանաչելու մասին>> N 2121-Ն, 2005 թվականի հուլիսի 28-ի <<Ջրերի ստանդարտների սահմանման կանոնակարգերի մասին>> N 1147-Ն որոշումների և իր լիազորությունների հետ կապված իրավական այլ ակտերի անհրաժեշտ իմացություն, տրամաբանելու, տարբեր իրավիճակներում կողմնորոշվելու ունակություն:

անհրաժեշտ տեղեկատվության տիրապետում:

համակարգչով և ժամանակակից այլ տեխնիկական միջոցներով աշխատելու ունակություն:

ռուսերենի ազատ տիրապետում:

անհրաժեշտ (պարտադիր) կառավարչական հմտությունների և ունակությունների, ինչպես նաև պաշտոնի անձնագրով նախատեսված գործառույթներից բխող կառավարչական հմտությունների և ունակությունների (Ցանկեր N 1-2) տիրապետում:

Ժամկետային աշխատանքային պայմանագիրը կնքվում է մինչև քաղաքացիական ծառայության թափուր պաշտոնը մրցույթի արդյունքում հաղթող ճանաչված մասնակցի կողմից զբաղեցնելը:

Աշխատավարձը՝ «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքի համաձայն կազմում է 310858 (երեք հարյուր տասը հազար ութ հարյուր հիսունութ) դրամ ՀՀ դրամ:

Աշխատանքի վայրը՝ ք. Երևան, Վարդանանց 13ա, հեռ (010) 543539, էլեկտրոնային փոստի հասցե (scws@scws.am):

Դիմող ՀՀ քաղաքացիները պետք է ներկայացնեն հետևյալ փաստաթղթերը:

- դիմում՝ Կոմիտեի նախագահի անունով (դիմումի ձևը կցվում է),
- տվյալ պաշտոնը զբաղեցնելու համար մասնագիտական գիտելիքների և աշխատանքային ունակությունների տիրապետման տեսանկյունից ներկայացվող պահանջների բավարարումը հավաստող փաստաթղթերի՝ դիպլոմ (ների), վկայական (ների), աշխատանքային գրքույկի (վերջինիս բացակայության դեպքում անհրաժեշտ է ներկայացնել տեղեկանք համապատասխան մարմնից) լուսապատճենները,
- արական սեռի անձինք՝ նաև զինվորական գրքույկի կամ դրան փոխարինող ժամանակավոր զորակոչային տեղամասին կցագրման վկայականի լուսապատճենը կամ համապատասխան տեղեկանք,

- սոցիալական ապահովության քարտի կամ սոցիալական ապահովության քարտ չունենալու մասին տեղեկանքի կամ հանրային ծառայության համարանիշի կամ հանրային ծառայության համարանիշ չունենալու մասին տեղեկանքի լուսապատճենը.
- անձնագրի կամ նույնականացման քարտի պատճենը,
- մեկ լուսանկար 3x4 սմ չափսի,

ՀՀ քաղաքացիները փաստաթղթերը հանձնում են անձամբ (հասցե՝ ք. Երևան, Վարդանանց 13ա) կամ էլեկտրոնային փոստի (scws@scws.am) միջոցով:

Փաստաթղթերն ընդունվում են ամեն աշխատանքային օր, ժամը 9³⁰-12³⁰-ը:

Դիմումների ընդունման վերջին ժամկետն է՝ 20 մարտի 2020թ.:

դիմողի անունը, հայրանունը, ազգանունը

դիմողի հաշվառման հասցեն

դիմողի բնակության հասցեն

դիմողի անձնագրի տվյալները, հեռախոսահամարը

ԴԻՄՈՒՄ

Ծանոթանալով Ջրային կոմիտեի կողմից հրապարակված հայտարարությանը՝ խնդրում եմ Ձեզ Հայաստանի Հանրապետության էներգետիկ ենթակառուցվածքների և բնական պաշարների նախարարության ջրային կոմիտեի ոռոգման և կոլեկտորադրենաժային համակարգերի վարչության պետի (ծածկագիր՝ 18/1-2.1-1) ժամանակավոր թափուր պաշտոնը զբաղեցնելու նպատակով ինձ հետ կնքել ժամկետային աշխատանքային պայմանագիր:

Միաժամանակ հայտնում եմ, որ՝

1. հայերենին _____

(տիրապետում եմ, չեմ տիրապետում)

2. դատական կարգով անգործունակ կամ սահմանափակ գործունակ

(ճանաչվել եմ, չեմ ճանաչվել)

3. սահմանված կարգով չհանված կամ չմարված դատվածություն

(ունեմ, չունեմ)

4. կառավարության որոշմամբ հաստատված հիվանդությունների ցանկում ընդգրկված հիվանդություններից որևէ մեկով

(տառապում եմ, չեմ տառապում)

5. Այլ վճարովի աշխատանք (բացի գիտական, կրթական, ստեղծագործական և ընտրական հանձնաժողովի անդամի կարգավիճակից բխող աշխատանքից)-----

(իրականացնում եմ, չեմ իրականացնում)

6. Անձամբ ձեռնարկատիրական գործունեությամբ -----

(զբաղվում եմ, չեմ զբաղվում)

7. Անմիջական ենթակայության կամ վերահսկողության տակ մերձավոր ազգակցական կամ խնամիական կապերի (ծնող, ամուսին, զավակ, եղբայր, քույր, ամուսնու ծնող) մեջ -----

(գտնվում եմ, չեմ գտնվում)

8. տիրապետում եմ հետևյալ համակարգչային ծրագրերին՝

☐ Windows, ☐ Word, ☐ Excel, ☐ Access, ☐ Power Point, ☐ այլ.

9. տիրապետում եմ հետևյալ օտար լեզուներին՝

(տիրապետում եմ ազատ, կարդում և կարող եմ բացատրվել)

(տիրապետում եմ ազատ, կարդում և կարող եմ բացատրվել)

Կից ներկայացնում եմ հետևյալ փաստաթղթերի լուսապատճենները՝

1. անձնագրի լուսապատճենը՝ _____ էջ.

2. նույնականացման քարտի լուսապատճենը՝ _____ էջ.

3. դիպլոմ(ներ)ի լուսապատճեն(ներ)ը՝ _____ էջ.

4. աշխատանքային գրքույկի լուսապատճենը՝ _____ էջ.

5. զինվորական գրքույկի լուսապատճենը՝ _____ էջ.

6. սոցիալական քարտի կամ հանրային ծառայության

համարանիշի տեղեկանքի լուսապատճենը՝ _____ էջ.

7. այլ՝ _____ էջ:

Նախազգուշացված եմ՝ քաղաքացիական ծառայության ժամանակավոր թափուր պաշտոնում նշանակվելու և ժամկետային աշխատանքային պայմանագիր կնքելու դեպքում, կեղծ տվյալներ և փաստաթղթեր ներկայացնելու համար, զբաղեցված պաշտոնից ազատվելու և ժամկետային աշխատանքային պայմանագիրը լուծելու, սահմանված կարգով պատասխանատվության ենթարկվելու մասին:

Դիմող՝ _____ (ստորագրություն) _____ (անուն, ազգանուն)

(օրը, ամիսը, տարին)